

POLISI YMWELIADAU ADDYSGOL





Ysgol Gynradd Groes-wen Primary School
Polisi ymweliadau addysgol
Blwyddyn 25/26

Cynnwys

Rhagair gan y Pennaeth / Cadeirydd y Llywodraethwyr

Crynodeb o'r polisi

Adran A Trefniadau'r ALI ar gyfer ymweliadau addysgol

- 1 **Rhagair gan yr Uwch Swyddog Addysg a Dysgu Gydol Oes**
- 2 **Crynodeb o drefniadau cymeradwyo**
- 3 **Trefniadau cymeradwyo / hysbysu am ymweliadau**
- 4 **Ffurflenni cynllunio**

Adran B Trefniadau rheoli risg safonol

Rhagair

- Mae Ysgol Gynradd Groes-wen Primary School yn credu'n gryf mewn ymweliadau fel modd o gyfoethogi profiadau disgyblion. Wrth ystyried hyn, mae angen asesu risg pob ymweliad ac o dan amodau COVID-19, i wneud yn sicr ein bod yn ddiogelu disgyblion sut gymaint ag sy'n bosib.

EVC:

Pennaeth: Richard Carbis

Yn absenoldeb y Pennaeth – Mrs Catrin Llwyd, Mrs Rhisiart neu Miss Hughes.

Crynodeb o'r polisi

Mae'r ysgol/sefydliad yma yn dilyn trefniadau'r ALI ar gyfer cynllunio, cymeradwyo a monitro ymweliadau addysgol trwy ddefnyddio system gynllunio a chymeradwyo ar-lein EVOLVE www.ymweliadaucaerdydd.org ar gyfer pob ymweliad a redir gan staff ysgolion/sefydliadau neu wirfoddolwyr.

Dylai staff sy'n cynllunio ymweliad addysgol sicrhau eu bod yn cynllunio eu hymweliad gan ddefnyddio'r system EVOLVE www.ymweliadaucaerdydd.org a dilyn y trefniadau a nodir yn y polisi hwn.

Mae'r polisi hwn yn cael ei adolygu (a'i ddiweddarau yn ôl y gofyn) yn flynyddol neu yn dilyn unrhyw ddamwain/digwyddiad ar ymweliad addysgol.

Dylid cyfeirio unrhyw ymholiadau yn ymwneud a'r polisi hwn at Richard Carbis.

Adran A

CYNGOR A SIR CAERDYDD Gwasanaeth Ysgolion a Dysgu Gydol Oes

Trefniadau cynllunio a chymeradwyo ar gyfer Ymweliadau Addysgol

Mae'r ddogfen hon yn nodi trefniadau cynllunio a chymeradwyo Dinas a Sir Caerdydd ar gyfer ymweliadau addysgol.

Rhaid i unrhyw un sy'n trefnu ymweliad oddi ar safle ar gyfer pobl ifanc o'r Brifddinas hefyd gyfeirio at y Canllawiau Cenedlaethol ar Ymweliadau Addysgol a gyhoeddwyd gan Lywodraeth Cymru. Gellir gweld y Canllawiau yn yr adran 'Cyfarwyddyd ac adnoddau/cyfarwyddyd' ar Evolve www.ymweliadaucaerdydd.org

A.M.
Ionawr 2013

Cynnwys

- 1 Rhagair gan Uwch Swyddog Addysg a Dysgu Gydol Oes
- 2 Crynodeb o'r trefniadau cymeradwyo
- 3 Trefniadau cymeradwyo / hysbysu am ymweliadau
- 4 Ffurflenni cynllunio

Rhagair

Mae'r Gwasanaeth Ysgolion a Dysgu Gydol Oes yn croesawu'r agwedd Cymru gyfan ar gyfer trefnu ymweliadau addysgol.

Mae tystiolaeth bod "tripiau ysgol" traddodiadol wedi dechrau lleihau tua dechrau'r degawd dwaethaf. Mae'r ymchwil diweddaraf, fodd bynnag, yn awgrymu eu bod mor boblogaidd ag erioed, ac yn rhan annatod o'r cwricwlwm yn ein hysgolion.

Pan fyddwn ni, fel oedolion, yn hel atgofion am ein hamser yn yr ysgol, yn amlach na pheidio'r atgof mwyaf byw sydd gennym yw bod ar drip preswyl yng nghwmni ffrindiau. Cymaint yw effaith y profiad hwn arnom, fel ei fod yn aros gyda ni am weddill ein hoes.

Golyga ddyfodiad y Cyfnod Sylfaen yng Nghymru y bydd nifer cynyddol o blant yn treulio mwy o amser tu allan i'r ystafell ddosbarth, nid yn unig mewn chwarae adeiladol, ond hefyd i brofi rhyfeddod y byd natur. Mae cyfnodau allweddol eraill o'r cwricwlwm hefyd yn cael eu newid, sy'n gofyn i bobl ifanc brofi gweithgareddau y tu allan i'r ysgol. Mae ein gweithdrefnau newydd wedi eu cynllunio i gynorthwyo'r rhai sy'n gyfrifol am gyflwyno hyn yn ystod yr amser cyffrous hwn.

Fel Cyngor, rydym yn sylweddoli'r rôl allweddol sydd gan athrawon, arweinwyr ieuentid a phobl eraill i ddarparu'r profiadau hyn i wella bywydau plant a phobl ifanc. Hoffwn achub ar y cyfle i ddiolch i bawb sydd yn rhoi cymaint o'u hamser i wneud y gwaith gwerthfawr hwn.

Crynodeb o'r trefniadau

Mae'r ddogfen hon yn nodi'r trefniadau a ddilynir gan Gyngor Caerdydd a'i sefydliadau addysgol i gyfarfod y safonau a nodir yn y *Canllawiau Cenedlaethol ar Ymweliadau Addysgol* a gyhoeddwyd gan Lywodraeth Cymru.

Dylai ymholiadau CYA sy'n ymwneud â'r trefniadau hyn gael eu cyfeirio at y swyddog priodol fel a ganlyn:

Cymeradwyaeth arweinydd awdurdod lleol (ALI), cymeradwyaeth neu hysbysiad ALI ar gyfer ymweliadau, hyfforddiant CYA a chyngor cyffredinol ynglŷn ag ymweliadau oddi ar safle a gweithgareddau anturus

<u>Ymgynghorydd Strategol ar gyfer</u> <u>Addysg Awr Agored</u> <i>Dave Golding</i>	<u>Ymgynghorydd Cyswllt ar gyfer</u> <u>Addysg Awyr Agored</u> <i>Andrew Meek</i>
Valleys Innovation Centre Navigation Park Mountain Ash RCT CF45 4SN	Valleys Innovation Centre Navigation Park Mountain Ash RCT CF45 4SN
Ebost: dave.m.golding@cscjes.org.uk Ffôn: 01443 281406 / 07880 044407	Ebost: andrew.meek@cscjes.org.uk Ffôn: 01443 281406 / 07385 401841

Damweiniau, Digwyddiadau a chyngor cyffredinol yn ymwneud ag Iechyd a Diogelwch

Janet Lewis
Swyddog Iechyd a Diogelwch
Ystafell 413
Neuadd y Sir
Glanfa'r Iwerydd
Caerdydd CF10 4UW

e-bost: JaLewis@caerdydd.gov.uk
Rhif Ffôn: 029 2087 3967
Ffacs: 029 2087 2360

Trefniadau cymeradwyo/hysbysu am ymweliadau

Tabl 1 Cymeradwyaeth/hysbysiad ymweliad sydd ei angen ar gyfer gwahanol fathau o ymweliad
Tabl 2: Diffiniadau o amgylcheddau ymdrechgar

Tabl 3: Gweithgareddau anturus

- 1 System gymeradwyo a hysbysu i bob ymweliad
- 2 Cymeradwyaeth gyfres
- 3 Caniatâd Rhiant/gofalwr
- 4 Defnyddio darparwr annibynnol: gwiriadau cyn archebu
- 5 Cymeradwyaeth Arweinydd Awdurdod Lleol (ALI)
6. Trefniadau arbennig ar gyfer grwpiau Dyfarniad Dug Caeredin
7. Penderfyniadau cymeradwyo ALI ar gyfer ymweliadau
7. Cadw cofnodion
8. Cadw llygad
9. Adolygu

Tabl 1 - Cymeradwyaeth / hysbysiad ymweliad sydd ei angen ar gyfer gwahanol fathau o ymweliadau

Math o ymweliad	Cymeradwyaeth/ hysbysiad sydd ei angen
<ul style="list-style-type: none"> • preswyl • ymweliadau tramor • amgylcheddau ymdrechgar (gweler Tabl 2) • gweithgareddau anturus (gweler tabl 3) 	<p>Ymweliad wedi ei gynllunio a'i gymeradwy gan ddefnyddio system EVOLVE www.ymweliadaucaerdydd.org o leiaf 28 diwrnod cyn yr ymweliad.</p>
<p>Taith dramor a drefnir trwy ddarparwr annibynnol (<i>h.y. taith i wlad sy'n datblygu yn cynnwys hirdaith neu weithgareddau anturus</i>)</p>	<p>Ymweliad wedi ei gynllunio a'i gymeradwy gan ddefnyddio system EVOLVE www.ymweliadaucaerdydd.org cyn archebu'r ymweliad. Mae Cymeradwyaeth yr ALI mewn dau gam:</p> <ul style="list-style-type: none"> ○ Cymeradwyaeth cychwynol cyn archebu ○ Cymeradwyaeth derfynol o leiaf 8 wythnos cyn yr ymweliad
<p>Antur Gwobr Dug Caeredin</p>	<p>Yr Ymweliad wedi ei gynllunio a'i gymeradwy gan ddefnyddio system EVOLVE www.ymweliadaucaerdydd.org o leiaf 28 diwrnod cyn yr ymweliad a gwybodaeth sy'n ofynnol gan swyddog datblygu cynllun Dug Caeredin</p>
<p>Pob ymweliad arall</p>	<p>Rhaid i bob ymweliad arall gael ei gymeradwyo gan y Pennaeth neu'r CYA a dylid cadw cofnod o'r ymweliad fel sy'n cael ei nodi yn yr adran 'Cadw cofnodion' o'r polisi hwn.</p> <p>Gall ysgolion/sefydliadau bennu ar eu gofynion cynllunio a chymeradwyo eu hunain ond cynghorir hwy yn gryf i ddefnyddio system EVOLVE www.ymweliadaucaerdydd.org</p> <p>Mae'r system hon yn arwain arweinydd yr ymweliad trwy gynllunio'r ymweliad a'r system gymeradwyo sy'n ofynnol gan yr Awdurdod Lleol (yn unol â chanllawiau LIC).</p> <p>Mae'r system EVOLVE yn caniatáu i ymweliadau cyson, sy'n cael eu hailadrodd gael eu cynllunio a'u cymeradwyo.</p>

Nodyn pwysig – NID oes angen cymeradwyaeth neu hysbysiad ar gyfer:

- Ymweliadau â, neu a gynhelir gan, Ganolfannau Addysg Awyr Agored yr ALI (Canolfan y Bannau, Canolfan Hwyllo Caerdydd, Canolfan Dŵr Gwyn Rhyngwladol, Tîm Gweithgareddau Awyr Agored, Awdurdod yr Harbwr a Prosiect Ynys Enlli).
- Gweithgareddau Cardiau Dysgu Awyr Agored Panel Ymgynghorwyr Addysg Awyr Agored a gynhelir mewn amgylchedd nad yw'n ymdrechgar gan athrawon / gweithwyr ieuenctid / staff eraill sydd wedi mynychu cwrs hyfforddi Cerdyn Dysgu Awyr Agored OEAP.

Tabl 2. Diffiniad o amgylcheddau ymdrechgar

Nodyn pwysig: mae dosbarthiad lleoliadau yn oddrychol. Dylai unrhyw arweinydd ymweliad sy'n ansicr a oes ar y lleoliad angen cymeradwyaeth ALI geisio cyngor gan eu Cydlynnydd Ymweliadau Addysgol (CYA).

Lleoliad	Diffiniad	Lefel cymeradwyaeth sydd ei angen
Cefn gwlad arferol	<p>Ardaloedd;</p> <ul style="list-style-type: none"> • sy'n agos at fannau gall cerbydau fynd yno (h.y. llai na 30 munud o amser cerdded ar gyfer unrhyw aelod o grŵp at y ffordd agosaf y gall grŵp ddianc yn rhwydd iddi) ac • amgylchedd lle nad oes nodweddion 'amgylchedd ymdrechgar' a restrwyd isod. 	Nid oes angen cymeradwyaeth ALI i'r ymweliadau hyn
Amgylchedd ymdrechgar	<p>Ardaloedd lle mae risg arwyddocaol i'r grŵp gan un neu fwy o'r ffactorau canlynol;</p> <ul style="list-style-type: none"> • tir peryglus (e.e. clogwyni, llethrau serth iawn ac ati); • ynysig (h.y. mwy na 30 munud o gerdded o'r man agosaf y gall y grŵp ddianc mewn cerbyd arferol ohono); • dianc anodd (h.y. lleoedd lle gall y grŵp gael eu dal a/neu lle byddai arnynt angen cymorth arbenigol i ddianc); • perygl o dywydd garw (h.y. agored i'r tywydd a dim cysgod o fewn 30 munud o gerdded ar gyfer unrhyw aelod o'r grŵp); • manau agored heb ffiniau clir lle gall y grŵp grwydro i diriogaeth beryglus neu ynysig os na fyddant yn gweld yn iawn; • dŵr sy'n llifo'n gyflym, dŵr dwfn, neu ddŵr â cherrynt cryf (gan gynnwys llif llanw) lle: <ul style="list-style-type: none"> <input type="checkbox"/> bydd y grŵp yn agos at y dŵr ac mae perygl arwyddocaol o rywun yn syrthio i mewn; <input type="checkbox"/> bydd y grŵp yn mynd i'r dŵr. 	Ymweliadau yma angen cymeradwyaeth ALI (ac eithrio gweithgareddau a gynhelir gan Ganolfannau Addysg Awyr Agored yr ALI - Canolfan y Bannau, Canolfan Hwyllo Caerdydd, Y Ganolfan Dŵr Gwyn Rhyngwladol, Tim Gweithgareddau Awyr Agored y Sir, Awdurdod yr Harbwr a Prosiect Ynys Enlli.

Tabl 3. Gweithgareddau Anturus

Sylwer: Nid yw'r rhestr yn gynhwysfawr. Dylai unrhyw arweinydd ymweliad sy'n ansicr a yw ymweliad yn anturus ai peidio geisio cyngor eu Cydlynnydd Ymweliadau Addysgol (CYA).

Gweithgareddau tir	Gweithgareddau dŵr
Dringo creigiau/abseilio gan gynnwys dringo waliau	Caiacio a chanwïo
Mynydda	Hwyllo neu hwylfyrddio
Cerdded bryniau	Rafftio dŵr gwyn
Dringo rhew	Sgio dŵr
Sgramblo ceunant neu arfordir/môr Trawsdeithio clogwyn/arfordira	Snorclo a nofio tanddwr
Archwilio tanddaear – ogof neu gloddfa	Cychod o bob math (heblaw teithio masnachol)
Sgio (llethr eira/sych)	Rafftio byrfyfyr
Gweithgareddau awyr (heblaw hedfan masnachol)	Syrffio barcud
Marchogaeth a merlota	Syrffio a chorff-fyrddio
Cyrsiau rhaffau uchel	Cwch draig
Beicio pedwar olwyn/ATV's	Sgio ton
Cyfeiriannu	Sgio jet fad/bad dŵr personol
Beicio mynydd	
Unrhyw weithgaredd (yn cynnwys gwersylla, gwaith maes a gweithgareddau heb fod yn anturus) yn cael eu cynnal mewn amgylchedd ymdrechgar fel y dehonglwyd yn Nhabl 2 uchod.	

1 System gymeradwyaeth a hysbysu ar gyfer pob ymweliad

Rhaid i arweinwyr ymweliadau gael cymeradwyaeth gan y Pennaeth neu CYA a dylid cadw cofnod o'r ymweliad fel y nodir yn yr adran 'Cadw cofnodion' o'r polisi hwn.

Gall ysgolion/sefydliadau bennu eu gofynion cynllunio a chymeradwyo eu hunain ond cynghorir hwy yn gryf i ddefnyddio system EVOLVE www.ymweliadaucaerdydd.org

Mae'r system hon yn arwain arweinydd yr ymweliad trwy'r system gynllunio a chymeradwyo ymweliad sy'n ofynnol gan yr Awdurdod Lleol (yn unol â chanllawiau LIC)

Mae system EVOLVE yn caniatáu i ymweliadau cyson sy'n cael eu hailadrodd gael eu cynllunio a'u cymeradwyo (gweler 2 isod)

2 Cymeradwyaeth gyfres

Gellir rhoi cymeradwyaeth gyfres:

- gan benaethiaid/CYA ar gyfer ymweliadau arferol
- gan yr ALL ar gyfer y staff hynny sydd wedi cael cymeradwyaeth arweinydd ALL (gweler 3 isod).

Ar gyfer ymweliadau y rhoddwyd cymeradwyaeth gyfres iddynt, rhaid i arweinydd yr ymweliad a'r CYA sicrhau

bod y wybodaeth berthnasol yn cael ei gadael gyda chyswllt argyfwng yr ysgol/sefydliad gan gynnwys manylion y lleoliad, gweithgaredd, grŵp, cludiant, amseroedd cychwyn/gorffen ac unrhyw wybodaeth berthnasol arall ar gyfer **pob** ymweliad.

3 **Caniatâd rhiant/gofalwr**

Rhaid cael caniatâd rhiant/gofalwr ar gyfer pob ymweliad. Ar gyfer ymweliadau arferol (y rhai a restrir ar ffurflen 1), ceir caniatâd cyfres yn flynyddol.

Ar gyfer ymweliadau anarferol (nad ydynt yn cael eu rhestru ar ffurflen 1) ceir caniatâd ar gyfer pob ymweliad (neu gyfres o ymweliadau a ailadroddir) gan ddefnyddio ffurflen 2.

Os bydd rhieni/gofalwyr yn atal eu caniatâd yn llwyr rhaid peidio â mynd â'r unigolyn ifanc ar yr ymweliad ond dylid darparu amcanion cwricwlaidd yr ymweliad i'r bobl ifanc mewn rhyw ffordd arall pryd bynnag y bydd hynny'n bosibl. Os bydd y rhieni/gofalwyr yn rhoi caniatâd amodol, bydd rhaid i'r Pennaeth ystyried a ellir mynd â'r unigolyn ifanc ar yr ymweliad ai peidio.

4 **Defnyddio darparwr annibynnol – gwiriadau cyn archebu**

Ar gyfer **unrhyw** ymweliad oddi ar y safle, dylai arweinydd yr ymweliad wirio bod y lleoliad a'r gweithgareddau a gynigir yn addas yn addysgiadol i'r grŵp ac y byddant yn cyflawni nodau'r ymweliad. Gwiriwch fod unrhyw ddarparwr yn cynnig gwerth da am arian trwy gymharu gyda darparwyr tebyg. Cofiwch nad oes dim i'w gymharu â gwybodaeth bersonol, gyfredol. Mae'r lefel hwn o wiriad cyn archebu yn ddigon i atyniadau ymwelwyr a lleoliadau mynediad cyhoeddus fel sw, safleoedd hanesyddol/diwylliannol, amgueddfeydd, stadiwm chwaraeon, theatrau, sinema, gwestai, canolfannau bowlio deg, canolfannau sglefrio, parciau thema, pyllau nofio mynediad cyhoeddus (gydag achubwyr bywyd) neu debyg. Mae'r lefel hwn o wiriad hefyd yn ddigon ar gyfer Canolfannau Addysg Awyr Agored yr Awdurdod Lleol ei hun.

Wrth ddefnyddio lleoliad neu ddarparwr gweithgareddau arbenigol e.e. darparwr gweithgareddau awyr agored (heblaw Canolfannau Addysg Awyr Agored yr ALL ei hun, ymweliad fferm neu debyg gweithredwch y cyfarwyddyd canlynol **cyn llofnodi unrhyw ffurflen archebu neu gontract**:

Gofynnwch i'r darparwr lenwi'r holiadur darparwyr annibynnol (y gellir ei lawr lwytho o adran Cyfarwyddyd ac Adnoddau/Ffurflenni EVOLVE www.ymweliadaucaerdydd.org a gwirio ei fod wedi ei lenwi yn foddhaol gan y darparwr **cyn i chi archebu**. Mae hyn yn gofyn iddynt gadarnhau bod ganddynt asesiadau risg yn eu lle ar gyfer yr holl weithgareddau/gwasanaethau y maent yn eu darparu a bod y rhain ar gael i'w gweld ar y safle os gofynnir amdanynt. **Sylwer nad oes angen cael copïau o asesiadau risg y darparwr.** Gofynnwch am gyngor arbenigol ar unrhyw bryderon sy'n deillio o ymateb y darparwr trwy gysylltu ag Ymgynghorydd Addysg Awyr Agored eich ALL.

Trefniadau arbennig ar gyfer teithiau Tramor (*h.y. teithiau i wledydd sy'n datblygu sy'n cynnwys hirdeithiau neu weithgareddau anturus eraill*)

Rhaid cael cymeradwyaeth cychwynnol yr ALL cyn archebu. Gellir cael cymeradwyaeth cychwynnol yr ALL trwy lenwi ac anfon ffurflen OE1 (ynghyd â'r atodiadau a restrir ar Ffurflen OE1) at yr Ymgynghorydd Addysg Awyr Agored yn y cyfeiriad a restrir ar Ffurflen OE1. Gellir lawr lwytho Ffurflen OE1 o adran Cyfarwyddyd ac Adnoddau/Ffurflenni EVOLVE www.ymweliadaucaerdydd.org Rhaid cael cymeradwyaeth

derfynol yr ALL ar gyfer y daith o leiaf 8 wythnos cyn i'r daith gychwyn trwy lenwi ac anfon ffurflen OE2, ynghyd â'r atodiadau a restrir ar Ffurflen OE2, at yr Ymgynghorydd Addysg Awyr Agored.

5 Cymeradwyaeth Arweinydd Awdurdod Lleol

Ar bwy y mae angen cymeradwyaeth arweinydd ALL?

Rhaid i weithwyr yr ALL neu ysgol neu wirfoddolwyr sy'n dymuno arwain yn unrhyw un o'r amgylcheddau ymdrechgar neu weithgareddau anturus y mae gofyn cael cymeradwyaeth ALL ar eu cyfer, gael ei gadarnhau yn gyntaf fel rhywun sy'n dechnegol fedrus i arwain gan yr Ymgynghorydd Addysg Awyr Agored.

Rhaid i ddarpar arweinwyr gael cymeradwyaeth arweinydd ALL trwy eu dull cyflwyno i EVOLVE a'r adran '**Fy manylion/dyfarniadau**'. Er mwyn cael cymeradwyaeth rhaid i'r ymgeisydd fod â phob un o'r canlynol:

- **Naill ai** a) y dyfarniad arwain perthnasol gan y Corff Llywodraethu Cenedlaethol ar gyfer y math o dir/gweithgaredd (Nodir dyfarniadau arwain Corff Llywodraethu Cenedlaethol yn Atodiad 3 o *Ganllawiau Cenedlaethol ar gyfer Ymweliadau Addysgol* www.wales.gov.uk/healthandsafety neu b) fod â datganiad ysgrifenedig o fedrusrwydd wedi ei lofnodi gan ymgynghorydd technegol addas yn tystio bod gan yr arweinydd y sgiliau technegol a rheoli grŵp perthnasol ar gyfer y tir/gweithgaredd (gweler isod sut i drefnu i gael cymeradwyaeth ymgynghorydd technegol).
- Profiad diweddar a pherthnasol
- Tystysgrif neu gymhwyster cymorth cyntaf cyfredol
- Cefnogaeth y Pennaeth

[Er mwyn trefnu cymeradwyaeth ymgynghorydd technegol rhaid i'r CYA ddynodi ymgynghorydd technegol addas sy'n barod i roi datganiad ysgrifenedig o fedr arweinydd y daith. Fel arfer ni roddir cymeradwyaeth ymgynghorydd technegol oni bai bod yr amodau canlynol yn cael eu bodloni:

- Mae'r arweinydd wedi cwblhau cwrs hyfforddi yn y dyfarniad arwain Corff Llywodraethu Cenedlaethol perthnasol pan fydd un yn bodoli (neu wedi mynd trwy hyfforddiant priodol arall)
- Mae'r ymgynghorydd technegol wedi gwneud asesiad ymarferol o'r arweinydd a gall gadarnhau ei fod yn gweithredu ar y safon ar gyfer y dyfarniad arwain Corff Llywodraethu Cenedlaethol perthnasol neu ar lefel addas i roi cymeradwyaeth penodol i safle.

Rhoddir y lefelau addas o ymgynghorydd technegol ar gyfer gwahanol weithgareddau a lefelau gweithgaredd yn Atodiad 3 *Canllawiau Cenedlaethol ar gyfer Ymweliadau Addysgol*. Os nad yw'r gweithgaredd a fwriadwyd wedi ei restru yn Atodiad 3, gall yr Ymgynghorydd Addysg Awyr Agored fedru cynghori ar y lefel addas o ymgynghorydd technegol.]

Gan ddibynnu ar ddyfnder profiad a sgiliau technegol, gall arweinwyr gael cymeradwyaeth i arwain naill ai:

- y gweithgaredd/gweithgareddau mewn lleoliad(au) penodol, a enwir ar unrhyw amser yn ystod cyfnod y gymeradwyaeth;
- neu:
- y gweithgaredd/gweithgareddau ym mhob lleoliad sydd o fewn cylch gorchwyl eu medrau ar unrhyw adeg yn ystod cyfnod y gymeradwyaeth.

Bydd yr Ymgynghorydd Addysg Awyr Agored yn hysbysu'r unigolyn a'i CYA o'r penderfyniad ar gymeradwyaeth arweinydd ALL a bydd hyn yn cael ei gofnodi yn adran '**Fy manylion**' yr unigolyn ar system EVOLVE. Gellir gweld hyn ar unrhyw adeg gan yr unigolyn, ei CYA neu'r Pennaeth.

6 Trefniadau arbennig ar gyfer grwpiau Dyfarniad Dug Caeredin

Rhaid i unrhyw un sy'n cynllunio taith/gweithgaredd Dyfarniad Dug Caeredin gysylltu yn gyntaf â Swyddog Dyfarniad Dug Caeredin yr ALI (gweler isod am fanylion cyswllt) cyn cychwyn ar unrhyw gynllunio ar gyfer y gweithgaredd i sicrhau bod y Daith yn bodloni gofynion cynllun Dug Caeredin a'r Awdurdod Lleol.

7 Penderfyniadau a gymeradwywyd gan yr ALI

Rhoddir cadarnhad o benderfyniadau cymeradwyo ar gyfer ymweliad trwy system EVOLVE. **Ni ddylid cynnal ymweliadau sydd angen cymeradwyaeth ALI nes cafwyd y gymeradwyaeth hon.**

Pan na fydd gwybodaeth bellach neu elfennau o *Ganllawiau Cenedlaethol ar Ymweliadau Addysgol* wedi eu cyflawni, ni roddir cymeradwyaeth nes bodlonir yr amodau hyn. Anfonir cadarnhad o'r penderfyniad hwn at y CYA/pennaeth trwy system EVOLVE.

8 Cadw cofnodion

Mae system EVOLVE yn gweithredu fel cofnod ar gyfer unrhyw ymweliad a gynllunnir ac a gymeradwyir ar y system. Felly dim ond y manylion canlynol fydd raid i ysgolion/sefydliadau eu cadw ar gyfer unrhyw ymweliad penodol:

- Rhestr o'r rhai sy'n cymryd rhan
- Ffurflenni caniatâd rhieni (gellir dinistrio'r rhain 3 mis ar ôl yr ymweliad os na fydd damweiniau neu ddigwyddiadau wedi cael eu cofnodi)
- Pan fydd damwain neu ddigwyddiad wedi cael ei gofnodi dylai'r ysgol/sefydliad gadw'r ffurflen caniatâd rhieni ar gyfer y disgybl(ion)/person ifanc dan sylw.
- Os bu damwain/digwyddiad ar ymweliad, rhaid i ysgolion/sefydliadau sicrhau bod yr ALI yn cael gwybod yn unol â threfniadau'r ALI. Bydd yr ALI yn cadw cofnodion damwain/digwyddiad nes bydd y person ifanc wedi cyrraedd 21 oed (neu am 3 blynedd ar gyfer oedolyn). Felly nid oes raid i ysgolion/sefydliadau gadw cofnodion o ddamweiniau/digwyddiadau y rhoddwyd adroddiad amdanynt i'r ALI oni bai eu bod yn dymuno gwneud hynny ar gyfer eu dibenion eu hunain. Os bydd arweinydd ymweliad neu ysgol/sefydliad yn derbyn hysbysiad bod hawliad yna ni ddylent ymateb yn uniongyrchol, ond dylent drosglwyddo'r manylion i reolwr hawliadau/adran yswiriant yr ALI.

Yn ychwanegol, dylai ysgolion/sefydliadau archifo yng nghofnodion yr ysgol/sefydliad copi o'u:

- Polisi ymweliadau addysgol – wedi ei ddyddio fel y gellir olrhain y fersiwn oedd yn gyfredol ar adeg unrhyw ymweliad;
- trefniadau rheoli risg safonol wedi eu dyddio fel eu bod yn gyfredol ar adeg yr ymweliad;
- cofnodion o fedrusrwydd a hyfforddiant staff (fel rhan o gofnodion gwerthuso/rheoli perfformiad efallai).

Dylai'r wybodaeth hon gael ei chadw am 5 mlynedd ac yna gellir ei dinistrio.

9 Cadw llygad

Cadw llygad mewnol gan y pennaeth/CYA

Rhaid i'r pennaeth/CYA, gadw llygad, o bryd i'w gilydd i sicrhau bod pawb yn cydymffurfio â pholisi'r ysgol/sefydliad.

Dylai cadw llygad gan y pennaeth/CYA gynnwys:

- archwilio safonau cynllunio a threfnu'r ymweliad fel rhan o'r broses gymeradwyo;
- arsylwi achlysurol ar arweinyddiaeth ymweliad

Yn dilyn unrhyw arsylwi arweinyddiaeth ymweliad, mae'n ymarfer da i ddarparu adborth llafar ac ysgrifenedig ac argymhellion ar gyfer hyfforddiant pellach pe bai'n angenrheidiol. Dylid rhoi copi o'r adroddiad arsylwi i'r arweinydd ymweliad a dylai'r ysgol/sefydliad gadw copi arall ar ffeil.

Cadw llygad gan yr ALI

Bydd yr ALI yn cadw llygad ar ysgolion/sefydliadau ar gylchred pum mlynedd i gydymffurfio â chanllawiau ALI gan bob sefydliad addysgol. Bydd yr ALI yn cysylltu â CYA i'w hysbysu ynglŷn ag ymweliadau cadw llygad sydd ar y gweill.

10 **Adolygu**

Defnyddir adborth ynglŷn â'r cadw llygad i adolygu trefniadau er mwyn sicrhau eu bod yn cyfarfod y safonau disgwyledig ar gyfer trefniadaeth ac arweinyddiaeth ymweliadau oddi ar safle ac i ganfod anghenion hyfforddi pellach ar gyfer arweinwyr ymweliadau a/neu CYA.

Ffurflenni cynllunio

Ffurflen 1:	Ffurflen ganiatâd rhieni/gofalydd: ymweliadau arferol
Ffurflen 2:	Ffurflen ganiatâd rhieni/gofalydd: ymweliadau anarferol
Ffurflen 3:	Crynodeb o'r wybodaeth ynglŷn â'r rhai sy'n cymryd rhan
Ffurflen 4:	Siart llif gweithredu mewn argyfwng i arweinwyr ymweliad
Ffurflen 5:	Siart llif gweithredu mewn argyfwng ar gyfer cyswllt (argyfwng) canolfan
Ffurflen 6:	Ffurflen cofnodi digwyddiad

Ffurflen 1

Caniatâd rhiant/gofalydd ar gyfer Ymweliadau arferol

Ysgol/sefydliad: _____

Enw eich plentyn: _____

Cytunaf i'm plentyn gymryd rhan mewn ymweliadau arferol o'r ysgol/sefydliad. Gall yr ymweliad gynnwys y gweithgareddau canlynol, neu debyg:

Nodwch weithgareddau nodweddiadol yma

Bydd yr ymweliadau hyn fel arfer yn digwydd yn y canlynol, neu leoliadau tebyg:

Nodwch leoedd nodweddiadol yma

Deallaf:

- y bydd ymweliadau o'r fath fel arfer yn digwydd o fewn oriau arferol yr ysgol/sefydliad, ond os byddant yn hirach na hyn, rhoddir rhybudd mewn digon o bryd fel y gallaf wneud trefniadau priodol ar gyfer dychweliad fy mhlentyn adref;
- y ceisir fy nghaniatâd penodol ar gyfer unrhyw ymweliad sydd yn fwy na'r ymweliadau a restrwyd uchod neu a allai gynnwys ymrwymiad i deithiau, amser neu gost estynedig;
- y cymerir pob gofal rhesymol o fy mhlentyn yn ystod yr ymweliad;
- y bydd disgwyl i fy mhlentyn ddilyn pob cyfarwyddyd a roddir a chadw pob rheol a rheoliad sy'n llywodraethu'r ymweliad a bydd yn amodol i drefn ddisgyblu arferol yr ysgol /sefydliad yn ystod yr ymweliad;
- fod rhaid i mi hysbysu'r ysgol/ganolfan o unrhyw gyflwr meddygol neu seicolegol neu anabledd corfforol a all effeithio arnynt yn ystod yr ymweliad;
- fod yr holl bobl ifanc wedi'u cynnwys o dan yswiriant trydedd blaid yr Awdurdod Cyngor Sir ar gyfer unrhyw hawlio yn deillio o ddamwain achoswyd oherwydd nam yn adeiladau'r ysgol neu offer sydd i'w briodoli i esgeulustod y cyngor neu un o aelodau ei staff. Sylwer nad yw'r polisi yswiriant hwn yn cynnwys darpariaeth damwain bersonol nac eiddo personol.

Enw llawn y rhiant/gofalydd: _____

Llofnod y rhiant/gofalydd: _____ **Dyddiad:** _____

Cyfeiriad: _____

Ffôn: _____

Ffurflen 2

Caniatâd rhiant/gofalydd ar gyfer Ymweliadau anarferol

I'w dosbarthu gyda'r daflen wybodaeth/llythyr yn rhoi manylion llawn yr ymweliad

Ysgol/sefydliad: _____

Ymweliad/gweithgaredd: _____

Lleoliad: _____ Dyddiad(au) _____

Enw eich plentyn _____ Blwyddyn/Dosbarth (os yw'n berthnasol) _____

Meddygol a dietegol

a) A oes gan eich plentyn gyflwr corfforol neu seicolegol a allai effeithio arno/i yn ystod yr ymweliad?

OES/NA

Os OES, nodwch fanylion: _____

b) Rhowch fanylion unrhyw alergeddau: _____

c) Nodwch unrhyw ofynion dietegol arbennig sydd gan eich plentyn:

d) Nodwch unrhyw salwch neu ddamwain ddiweddar a gafodd eich plentyn y dylai staff fod yn ymwybodol ohonynt? _____

e) Rhestrwch unrhyw fath o feddyginiaeth neu eli di-bresgripsiwn **na** ellir ei roi i'ch plentyn:

f) Hyd eithaf eich gwybodaeth, a yw eich mab/merch wedi bod mewn cysylltiad ag unrhyw afiechyd heintus neu wedi dioddef o unrhyw beth yn ystod y pedair wythnos ddiwethaf a allai fod yn heintus YDY/NA

Os YDY, rhowch fanylion: _____

h) Pryd y cafodd eich mab/merch bigiad tetanws ddiwethaf? _____

Hyder mewn dŵr/gallu nofio

Nodwch allu nofio eich plentyn:

Methu nofio

Gallu nofio rhywfaint mewn pwll nofio

Gallu nofio'n hyderus mewn pwll nofio

Gall nofio'n hyderus yn yr awyr agored (e.e. llyn, afon neu'r môr)

Eich manylion cyswllt

Rhif ffôn: Cartref: _____ Gwaith: _____ Symudol: _____

Cyfeiriad cartref _____

Manylion cyswllt brys arall

Enw: _____ Ffôn: _____

Cyfeiriad: _____

Meddyg teulu

Enw: _____ Ffôn: _____

Cyfeiriad: _____

Datganiad

- Wedi darllen yr wybodaeth ynglŷn â'r ymweliad, ac wedi deall yr oruchwyliaeth a ddarperir, rwy'n cytuno i fy mhlentyn gymryd rhan yn yr ymweliad a'r gweithgareddau a ddisgrifir
- Deallaf y rhoddir pob gofal rhesymol i'm mhlentyn yn ystod yr ymweliad/gweithgaredd a bydd ef/hi o dan rwymedigaeth i ufuddhau i'r holl gyfarwyddiadau a roddir a dilyn yr holl reolau a rheoliadau sy'n llywodraethu'r ymweliad/gweithgaredd
- Deallaf y cod ymddygiad ar gyfer yr ymweliad a'r cosbau a ellir eu defnyddio os bydd fy mhlentyn yn torri'r cod. Rwyf wedi trafod y cod ymddygiad a'r cosbau gyda'm mhlentyn
- Deallaf, os bydd fy mhlentyn yn camymddwyn yn ddifrifol neu'n achos perygl iddo/i hun neu i eraill, yna y gellir gofyn i mi ei gasglu/chasglu neu gellir ei anfon/hanfon gartref yn gynnar o'r ymweliad/gweithgaredd. Mewn sefyllfa o'r fath ni fydd unrhyw rwymedigaeth ar yr ysgol/y ganolfan i ad-dalu unrhyw arian
- Mewn argyfwng, cytunaf i'm mab/merch gael meddyginiaeth ac unrhyw driniaeth ddeintyddol, feddygol neu lawfeddygol frys, yn cynnwys anesthetig neu drallwysiad gwaed, fel yr ystyrir yn angenrheidiol gan yr awdurdodau meddygol a fydd yn bresennol
- Deallaf raddau a chyfyngiadau'r yswiriant a ddarperir.

ENW LLAWN Y RHIAENT NEU OFALWR (printiwch): _____**LLOFNOD:** _____ **DYDDIAD:** _____**I'W LENWI GAN YR UN SY'N CYMRYD RHAN:**

Rwyf yn deall, er lles diogelwch y grŵp a mi fy hun y byddaf yn ymrwymo i ufuddhau i reolau a chyfarwyddiadau aelodau o'r staff.

LLOFNOD: _____ **DYDDIAD:** _____

Ffurflen 3 Crynodeb o'r wybodaeth ynglŷn â'r rhai fydd yn cymryd rhan (oedolion a phobl ifanc)

Cyfenw	Enw(au) cyntaf	Dyddiad geni	Cyfeiriad	Perthynas agosaf	Rhif(au) cyswllt	Gwybodaeth anghenion arbennig/meddygol perthnasol


Ffurflen 4

Siart llif gweithredu mewn argyfwng i arweinwyr ymweliad

Peidiwch â siarad â'r cyfryngau – cyfeiriwch bob ymholiad at swyddog y wasg yr ALI Rhif ffôn

029 2087 2964 Neu 07989996112

Rhowch gymorth cyntaf pe bai angen. Gwnewch yn siŵr fod gweddill y grŵp yn bresennol ac y gofelir amdanynt.



Ffurflen 5

Siart llif argyfwng ar gyfer cysylltiadau (argyfwng) canolfan

Cofnodi'r wybodaeth ar Ffurflen Cofnodi Digwyddiad.

Peidiwch â siarad â'r cyfryngau – cyfeiriwch yr holl ymholiadau at swyddog y wasg yr ALI:

029 2087 2964 neu 07989996112

A yw'r digwyddiad yn un difrifol? Os yn ansicr tybiwch ei fod yn ddifrifol.

Difrifol = anaf / salwch difrifol, unigolion ar goll angen cymorth yn y lleoliad, neu ymadael

YDY

NA

Cofnodi galwadau ffôn ac amseroedd a chadw rhywun ar y ffôn nes fod y digwyddiad wedi ei drin.

A all yr ysgol/sefydliad ymdrin â hyn yn fewnol?

NA

GALL

Galw am gymorth allanol gan y gwasanaethau brys os na wnaethpwyd hyn eisoes.

Trefnu cymorth fel bo angen gan y staff yn y digwyddiad e.e. cludiant / ymadael.

Hysbysu'r ALI

Llenwi ffurflen ddigwyddiad/damwain (a'u hanfon i'r ALI pe bai angen).

Casglu datganiadau ysgrifenedig gan staff / oedolion / pobl ifanc perthnasol.

Pennaeth / CYA i asesu'r digwyddiad, argymhell camau i'w cymryd a gweithredu fel bo'n briodol.

Hysbysu staff a'r Ymgynghorydd Addysg Awyr Agored o'r camau a argymhellwyd.

Ffurflen 6

Ffurflen cofnodi digwyddiad

D.S. Dylai cyswllt brys lenwi'r ffurflen hon yn ystod y cyfnod pan fyddant yn ymdrin â'r alwad frys. Dylai'r CYA sicrhau y dilynir trefniadau'r ALL o ran hysbysu ynghylch digwyddiad cyn gynted ag y bo modd ar ôl y digwyddiad.

YNGLŶN Â'R DIGWYDDIAD

Enw(au) unrhyw unigolyn(ion) a effeithiwyd arnynt gan y digwyddiad _____

Amser a dyddiad y digwyddiad _____

Lleoliad y digwyddiad _____

Gweithgaredd oedd yn digwydd (os yw'n berthnasol) _____

Enw(au) staff sy'n arwain y gweithgaredd (os yw'n berthnasol) _____

Rhif cyswllt ar gyfer arweinydd yr ymweliad _____

Enw(au) tyst(ion) allweddol _____

Disgrifiad o'r digwyddiad a'r camau a gymerwyd (parhewch ar daflen arall pe bai angen) _____

Llenwyd y ffurflen gan _____ Dyddiad _____

CAMAU A GYMERWYD I ATAL DIGWYDDIAD ARALL O'R FATH (I'w gwblhau gan y Pennaeth neu'r CYA ar ôl adolygu'r digwyddiad – parhewch ar daflen arall pe bai angen).

Arwyddwyd (Pennaeth neu CYA) _____ Dyddiad _____

Adran B

Trefniadau rheoli risg safonol

Mae'r adran hon yn nodi'r trefniadau rheoli risg a ddilynir gan staff yr ysgol/sefydliad yma wrth arwain ymweliadau oddi ar safle.

Ffurflen rheoli risg: Pob ymweliad oddi ar safle

2024

Peryglon arwyddocaol a niwed a allai ddigwydd	Pwy allai gael ei niweidio?	Camau diogelwch: <i>Camau sydd yn eu lle a/neu a fydd yn cael eu cymryd i leihau risg i lefel goddefol</i>
Croesi ffyrdd/cerdded ar hyd palmentydd	Disgyblion	Hysbysu plant ynglŷn â'r ymddygiad a ddisgwylir ganddynt wrth gerdded/croesi ffyrdd Sicrhau fod staff o flaen, yng nghanol a thu ôl i'r plant. Disgyblion i gerdded mewn parau neu'n unigol. Staff i ddewis man diogel i groesi ffyrdd (os na ddefnyddir croesfan benodol i gerddwyr) Dau aelod o staff i sefyll yn y ffordd gyda phlant yn cerdded rhyngddynt.
Tywydd	Disgyblion/staff	Edrych ar ragolygon y tywydd cyn yr ymweliad Rhoi gwybodaeth i ddisgyblion/rhieni am y tywydd posibl cyn yr ymweliad Sicrhau y gwisgir neu y cymerir dillad/esgidiau addas gan gymryd ystyriaeth o dywydd yr haf a'r gaeaf Gofyn i rieni os gellir rhoi hufen haul ar eu plant Mynd a dillad sbâr i blant nad ydynt wedi paratoi'n addas Sicrhau y cymerir lloches argyfwng os ydych mewn amgylchedd anodd
Arddangosiad gwyddonol mewn lleoliadau gwyddoniaeth	Disgyblion	Staff ysgol i sicrhau fod y disgyblion yn dilyn cyfarwyddiadau staff cymwys y ganolfan ac i gadw at reolau ynghylch agosrwydd
Baglu, llithro, disgyn	Disgyblion/staff	Sicrhau y gwisgir esgidiau addas a bod careiau esgidiau wedi eu clymu Dweud wrth ddisgyblion/staff ynghylch unrhyw fannau posibl lle gellir baglu, llithro neu ddisgyn Sicrhau fod arweinydd yr ymweliad yn cario offer cymorth cyntaf Sicrhau y dywedir ynghylch cyflyrau meddygol disgyblion cyn yr ymweliad
Cludiant i ac o leoliadau	Disgyblion/staff	Sicrhau y defnyddir cwmni bws a gydnabyddir gan yr ALI Sicrhau fod gwregysau diogelwch yn cael eu gwisgo bob amser a bod arweinydd yr ymweliad yn archwilio i gadarnhau.

Perygl dieithriad	Disgyblion	Sicrhau fod plant yn gwybod na ddylent gerdded i ffwrdd gydag oedolyn dieithr oni bai y rhoddir cyfarwyddyd pendant gan arweinydd yr ymweliad. Cyfrif pennau yn rheolaidd Goruchwylio trwy'r amser, gan gynnwys goruchwylio priodol wrth fynd i'r toiled
Ymweliadau traeth/arfordir - tynnu i'r môr gan y llanw	Staff a disgyblion	Edrych ar amseroedd llanw cyn cychwyn ar y daith Edrych ar ragolygon y trywydd ar gyfer diwrnod yr ymweliad Dweud wrth y plant am beidio â mynd at ochr y dŵr
Damwain/argyfwng	Staff a disgyblion	Dilyn canllawiau trefniadau argyfwng a garir gan arweinydd yr ymweliad Sicrhau fod cymhorthydd staff addas (yn ogystal ag arweinydd yr ymweliad) yn deall y drefn argyfwng Dweud wrth y plant beth i'w wneud mewn argyfwng a sut i alw am gymorth
Mynd ar goll/gwahanu o'r grŵp (awyr agored)	staff	Cyfrif pennau yn rheolaidd Sicrhau fod disgyblion i aros mewn grwpiau bach Sicrhau fod staff gyda disgyblion trwy'r amser Dweud wrth ddisgyblion am aros ble maent os ydynt yn mynd ar goll neu'n cael eu gwahanu ac i weiddi am sylw Sicrhau fod pob disgybl yn gwybod enw arweinydd yr ymweliad, y staff ac enw'r ysgol
Mynd ar goll/gwahanu o'r grŵp (dan do)	staff	Cyfrif pennau yn rheolaidd Sicrhau fod disgyblion yn aros mewn grwpiau bach Sicrhau fod staff gyda disgyblion trwy'r amser Dweud wrth y disgyblion am aros yn yr adeilad os ydynt yn mynd ar goll neu'n cael eu gwahanu, ni ddylent adael Dweud wrth y plant am fynd i'r dderbynfa Sicrhau fod pob disgybl yn gwybod enw arweinydd yr ymweliad, y staff ac enw'r ysgol
Cyflyrau meddygol	Disgyblion	Sicrhau y dywedir ynghylch cyflyrau meddygol cyn yr ymweliad Sicrhau y rhoddir caniatâd i aelod o staff weinyddu meddyginiaeth pe bai angen Sicrhau fod arweinydd yr ymweliad yn cario meddyginiaeth, epi pens, mewnanadlwyr, etc Sicrhau fod o leiaf un aelod o staff/gwirfoddolwr yn gwybod sut i weinyddu meddyginiaeth, pe bai angen.
Cerdded fyny / lawr Mynydd y Garth/Mynydd Caerffili	Disgyblion	Dweud wrth y disgyblion beth yw'r llwybr a drefnwyd Dweud wrth y disgyblion beth yw'r ymddygiad disgwylidig Sicrhau fod aelod o staff o flaen, yng nghanol a thu ôl i'r disgyblion Sicrhau y defnyddir dillad ac esgidiau cywir

<p>Ymweliadau fferm Peiriannau, cerbydau, alergedd, llygriad, brathau, cicio, etc</p>	<p>Disgyblion a staff</p>	<p>Dweud wrth ddisgyblion am beidio mynd yn agos at beiriannau/cerbydau ac i ddilyn cyfarwyddiadau gan staff y fferm Sicrhau fod rhieni wedi hysbysu staff cyn yr ymweliad ynghylch alergedd posibl Sicrhau fod arweinydd yr ymweliad yn cario meddyginiaeth (pe bai angen) Dweud wrth y plant am beidio â chyffwrdd anifeiliaid os nad yw'n ddiogel gwneud hynny Sicrhau fod disgyblion/staff yn ymwybodol o reolau'r fferm, a atgyfnerthir gan staff y fferm Sicrhau y bwyteir mewn mannau hylan Sicrhau fod plant yn golchi eu dwylo cyn bwyta Gwneud yn siŵr fod gennych offer cymorth cyntaf</p>
<p>Ymweliadau castell Walïau uchel – disgyn Grisïau serth, tywyll – disgyn</p>	<p>Disgyblion a staff</p>	<p>Arweinydd yr ymweliad yn adnabod y lleoliad a mannau penodol o risg yn y castell (yn dilyn rhagarchwiliad) Rhoi gwybodaeth i staff eraill Goruchwylio disgyblion yn briodol</p>

Nodiadau ychwanegol: asesiadau risg safonol yn cael eu hadolygu a'u diweddarau'n flynyddol. Cedwir hen fersiynau ar ffeil electronig.

Ruth Lewis

Llofnod Pennaeth:

Dyddiad: 26.09.25

Llofnod Cadeirydd y Llywodraethwyr: *Atalano*

Fersiwn:	03
Dyddiad Adolygu:	Hydref 2026